

## Primera Carta de SAN JUAN

### *La palabra de vida*

<sup>1</sup> Atie mɔjããrẽ jãã caquetibɔjɔwoatujopee marĩ Quetiupɔɔ Jesús yaye, caroa queti niña. Cũ ɔɔame tirũmɔɔa ati yepa caãniparo jũgoyepɔa merẽ caãnijũgoatáɔ niñami. Jãã ɔɔame Jesucristo ati yepaɔ etari, cũ caquetibɔjɔriquere jãã tũgowɔ. Bairi tunu jãã majũɔ jãã caapee mena cũ jãã ãñawũ. Bairi cũrẽ jãã masĩjãñuña. Bairo cũrẽ camasĩrã ãnirĩ, tie jãã catũgoriquere, bairi tunu jãã caĩñarĩqũẽ cũãrẽ mɔjãã quetibɔjɔ woaturorã jãã átiya. Tie jãã caquetibɔjɔrije ɔɔame atore bairo niña: Jesucristo, marĩ yeri marĩ cacatiãnipere cajomasĩ majũ niñami. Tiera quetibɔjɔ woaturorã jãã átiya.

<sup>2</sup> Cũ ɔɔame ati yepaɔ buiaetayupi. Cũrẽ jãã ãñawũ. Cũ yaye caroa queti cũãrẽ jãã tũgowɔ. Tie quetire tũgori bero, merẽ aperã camasãrẽ jãã quetibɔjɔnetõwũ. Bairi mɔjãã cũãrẽ jãã quetibɔjɔya cũ yaye queti, atie, yeri capetietie macããjêrẽ. Mai, Jesús ɔɔame Dios cũ ɔɔa tɔɔa ãñupĩ. ãmerẽ yua, ati yutea caãnorẽ ati umɔrecóɔu etawĩ.

<sup>3</sup> Bairi tie jãã caĩñarĩqũẽ, jãã catũgoriquere mɔjããrẽ jãã quetibɔjɔjoya, jãã mena jĩcãrõrẽ bairo mɔjãã cũã mɔjãã caãnimasĩparore bairo ãrã. Marĩ ɔɔa Dios mena, bairi cũ macũ Jesucristo mena jãã

cañnorẽã bairo m̃jãã cãã na mena m̃jãã cañnorẽ jãã boya.

<sup>4</sup> Torena, m̃jããrẽ jãã ĩ quetib̃j̃m woajoya, Dios mena marĩ causeanirĩjẽ ñe ùnie rusaeto cañnipetiparore bairo ĩrã.

### *Dios es luz*

<sup>5</sup> Atore bairo niña atie queti Jesucristo jããrẽ cã caquetib̃j̃m̃cũrĩqũẽ. Tere m̃jããrẽ quetib̃j̃m̃j̃g̃m̃ ỹm̃ átiya ámerẽ: Cabusurijere bairo caãcũ cañuñ niñami Dios. Bairo Dios canaitĩãrõp̃m̃ caãmei ãnirĩ carorije ùnie caápei majũ niñami.

<sup>6</sup> Tunu apeyera, “Marĩ Pac̃m̃ Dios yarã jãã ãniña,” ĩmirãcãã, canaitĩãrõp̃m̃ caãna rorije caánarẽ bairo marĩ caátĩãmata, caĩtopairãrẽ bairo marĩ ãnibujiorã. Marĩ caátĩãnie cãã cawapa manierẽ bairo tuabujioro.

<sup>7</sup> Bairi marĩ cãã caroaro cabusurore bairo caãcũ Dios cã cañnorẽã bairo carorijere caáperã marĩ caãmata, Dios yarã jĩcã majãrẽ bairo caãna majũ marĩ ãnigarã. Caroaro marĩ ãmeo átiãnimasĩgarã. Cũ macũ Jesucristo riĩ jũgori nipetiri wãme marĩ carorije wapare cã canetõõrĩcãrã marĩ ãnigarã.

<sup>8</sup> Tunu apeyera, “Ỹm̃a, carorije wapa cacũgoec̃m̃ cañuñ majũ ỹm̃ ãniña,” marĩ caĩata, marĩ majũã marĩ yerire marĩ ĩtoya. Bairo marĩ caĩata, Dios yaye queti cariape macããjẽrẽ marĩ cãgoetiya marĩ yeripare.

<sup>9</sup> Bairi roro marĩ caátajere Dios mena marĩ catũgoñaqũẽnorõ ñuña. Bairo cã mena tũgoñaqũẽnorĩ bero, cãrẽ marĩ cajẽnirõ p̃g̃ani cãrõ tũgoñarĩcãrõ mano atore bairo marĩ ĩ masĩña: “Dios p̃m̃ame caroaro cariape marĩ átig̃m̃mi. Marĩ

carorije wapare masiriyobojagumi. Tocãnacã wãme carorije wapa marĩ cacũgorijere marĩ cosebojagumi Dios marĩ yeripure,” marĩ ĩ masiña.

<sup>10</sup> Tunu bairoa, “Carorije wãme caátiñaena majũ jãã ãniña,” marĩ caĩata cũãrẽ, caĩtopaire bairo caãcũ cũ ãnio joroque marĩ átibujiorã Diore. Bairo caãna ãnirĩ Dios yaye quetire caboetinetõomajũcõãrãrẽ bairo marĩ tuabujiorã yua.

## 2

### *Cristo, nuestro abogado*

<sup>1</sup> Yũ yarã, yũ pũnaarẽ bairo caãna atie caroa quetire mũjãã yũ quetibujũ woajoya, carorije áperã mũjãã caãniparore bairo ĩ. Bairo yũ caquetibujurijere tũgomirãcũã, jĩcããrã roro na caápata, Dios macũ Jesús cariape caácsu cañũrẽ cũ na jẽniáto. Jesús pũame marĩ Quetiupau Diopure marĩrẽ caquetibujũnetõõbojau, cajũĩ majũ niñami.

<sup>2</sup> Cũ pũame riawĩ yucũpãĩpũ, marĩ carorije wapare netõõbojagu. Marĩ yaye wapa jeto meerẽ netõõbojamasĩñami. Nipetiro ati yepa macããna cãrẽ catũgõusari majã cũãrẽ na netõõbojamasĩñami Jesús.

<sup>3</sup> Dios cũ caátiroticũrĩqũẽrẽ tie caátirotire bairo marĩ caápata, pugani tũgoñanemorĩcãrõ mano merẽ marĩ masĩgarã cũ yarã marĩ caãnierẽ.

<sup>4</sup> Aperã jĩcããrã, “Dios yarã majũ jãã ãniña,” ĩ busũmirãcũã, Dios cũ caátiroticũrĩqũẽrẽ jĩcãrõ tũni na caápericõãta, caĩtopairã majũ niñama. Na yeripure caroa, cariape macããjẽ maniña.

<sup>5</sup> Apei, ni jĩcãũ ũcũ pũame caroaro cariape Dios yaye busũriquere cũ catũgõusaata, ñe ũnie

rusaricarō mano caroaro Diore camaimasĩ majũ tuayami. Bairo marĩ caápata, Dios mena jĩcã majãrẽ bairo marĩ añigarã.

<sup>6</sup> “Үна, Dios уау сӯ mena jĩcã majõсure bairo caãсӯ уа añiña,” caĩ рuame Dios сӯ caborore bairo, marĩ Quetiupaу Jesucristo сӯ caañimasĩrĩcãrõrẽã bairo сӯ caãno ñuña.

### *El nuevo mandamiento*

<sup>7</sup>Үу yarã, уа bairãrẽ bairo caãna, atie roticũrĩqũẽ уа cawoatujorije ape wãme cawãma wãme mee niña. Caãnijõgoripaурна мұjãã catũgojõgorique Dios yaye queti niña. Atie roticũrĩqũẽ cabусu macããjẽ, merẽ мұjãã catũgojõgorique quetia niña. Apeye mee niña.

<sup>8</sup> Cabaimiatacããrẽ tunu atie рuame мұjããrẽ уа cawoatujorije roticũrĩqũẽ, cawãma wãmerẽ bairo niña. Bairi tie roticũrĩqũẽ cariape macããjẽrẽ Jesucristorea bairo мұjãã сӯã tiere мұjãã átimasĩña, ãmeo mairĩqũẽ macããjẽrẽ. Bairo marĩ caãmeomairõ, canaitĩãrõрu caãnarẽ bairo marĩ caãnie manigaro. Dios yaye caroaro cabusumajũrĩjẽ caãno, cabusurõрu caãnarẽ bairo caãna majũ marĩ añigarã yua.

<sup>9</sup> Bairi ni jĩcãũ ùсӯ, “Үна, Dios уау cabusurõрu caãсӯ carorije caápei уа añiña,” caĩ nimicãã, сӯ уауре roro сӯ caasiaññateata, canaitĩãrõрна mai caãсӯrẽ bairo tuacõãñami.

<sup>10</sup> Apei рuame caroaro mairĩqũẽ mena сӯ уауре caññau roque, cabusurõрu caãсӯ Dios сӯ caborore bairo caácу niñami. Bairo caácу añirĩ рugani cãrõ tunu carorije macããjẽrẽ átinemogaetiyami.

<sup>11</sup> Apei, сӯ уауре caññateri majõсu roque canaitĩãrõрu caãna, carorijere caãna na caátiere

bairo carorijere caácũ añirĩ canaitĩārõpũ caañiñesẽãũrẽ bairo niñami. Bairo caácũ añirĩ cacaapee iñaecũrẽ bairo cũ caátóre masĩecũ añesẽãnucũñami rorije cũ caátie jũgori yua.

12 Yũ pũnaarẽ bairo caãna, mũjãārẽ yũ woajoya atiere: Dios, cũ macũ Jesús yucũpãĩrũ cũ cariarique jũgori, mũjãã carorije wapare cũ camasiriyobojaricarã mũjãã cũã mũjãã caãnoi, atiere mũjãã yũ woajoya.

13 Mũjãã, cabũtoa cacacua, mũjãārẽ yũ woajoya atie quetire, tirũmũpũa ati yepa camanopũa merẽ cañijũgoricũre mũjãã camasĩrĩqũẽ jũgori. Mũjãã cawãmarã cũãrẽ mũjãã yũ woajoya, wãtĩ cañuescũ majũrẽ cũ mũjãã catũgopeoeto jũgori.

14 Mũjãã, yũ pũnaarẽ bairo caãna cũãrẽ mũjãã yũ woajoya, Dios marĩ Pacũ yarã, cũrẽ camasĩrã mũjãã caãnoi. Mũjãã, cacacua cabũtoa cũãrẽ mũjãã yũ woajoya atie quetire, tirũmũpũa ati yepa camanopũa merẽ cañijũgoricũre mũjãã camasĩrĩqũẽ jũgori. Mũjãã, cawãmarã cũãrẽ mũjãã yũ woajoya, yeri tutuarã caãna añirĩ Dios yaye quetire mũjãã yeripũ caroaro Dios mena mũjãã catũgoñatutuãnie jũgori. Tunu bairoa wãtĩ cañuescũ majũrẽ cũ mũjãã catũgopeoeto jũgori mũjãã yũ woajoya.

15 Ati mũmũrecóo macããjẽrẽ caĩñamainetõrãrẽ bairo baieticõãña. Nĩ jĩcãũ ũcũ mũjãã mena macããcũ ati mũmũrecóo macããjẽrẽ cũ caĩñamainetõata, Dios marĩ Pacũ majũrẽ camaiecũ niñami.

16 Nipetiri wãme ati mũmũrecóo macããjẽ camasã na caĩñaborije pũame Dios cũ cajorije mee niña. Ati mũmũrecóo macããjẽ majũ roque niña. Ati wãmerẽ ati mũmũrecóo macããna pũame bonuscũñama: Roro

camasã na rupaꝝ caborore bairo na caátigarijere átinucũñama. Aperã na cacãgorijere bñtioro bori tiere ññaꝝgonucũñama camasã. Aperã cũã ati ɯmɯrecóo macããjê paio sawapacutiere bonetõnucũñama.

<sup>17</sup> Bairo ati ɯmɯrecóo macããna camasã ati ɯmɯrecóo macããjê capetirorea bairo cayasirãrê bairo tuayama, roro na caátigarije jũgori. Dios cũ caborore bairo jeto caroaro cariape caátĩacũ pɯame roque tocãnacã rũmɯa caãnicõãninucũpɯa majũ tuayami.

### *La verdad y la mentira*

<sup>18</sup> Yɯ pũnaarê bairo caãna, ati yũtea catɯsari yũtea niña. Ati ɯmɯrecóo petigaro baiya. Bairo capetiparo jũgoye caãnoi, jĩcãũ Jesucristore cateeri majõcɯ cũ caatiere mɯjãã tũgoypa. Bairo jĩcãũ cũ caatiere mɯjãã catũgomiatacũãrê, ãmerê capããrã majũ niñama Jesucristore cateerã. Bairo na cabairoi, “Ati ɯmɯrecóo petigaro baiya,” marĩ ñ masĩña ãmerê.

<sup>19</sup> Jesucristore cateeri majã pɯame marĩ mena macããna jĩcããrã nimiñupã. Bairo baimirãcũã, cariape majũrã marĩ yarã mee ãñupã. Marĩ yarã marĩrê bairo Dios mena macããna na caãmata, marĩ mena añibujiorãma. Bairo na cabairo ññarĩ, atore bairo na marĩ ñ masĩña: “Marĩ mena caãnana nimirãcũã, marĩ mena macããna jĩcãũ pũnaarê bairo caãna mee ãñupã,” marĩ ñ masĩña yua.

<sup>20</sup> Marĩ Quetiupaꝝ Jesucristo, cũ yeri, Espíritu Santo majũrê mɯjãã joyupi. Bairo nipetiro mɯjãã Espíritu Santo cũ camasĩõrĩjêrê cacãgorã jeto mɯjãã ãniña.

21 Dios yaye cariape macããjêrê mąjãã camasĩeto jũgori mee mąjããrê yu woajoya. Tiere mąjãã camasĩrõ jũgori roque mąjãã yu quetibąjư woajoya. Merê atore bairo mąjãã ĩ masĩña: “Caĩtopairã na caĩrĩjê mee niña atie queti. Dios cariape caãcũ yaye queti roque niña,” mąjãã ĩ masĩña.

22 Caĩtopai pųame atore bairo niñami: Jesucristo, Dios macũ, Dios cũ cajoricųre, “Jesús, Mesías mee niñami,” ĩ bųsųnucũñami. Bairo caĩbųsųnucũ pųame Jesucristore cateire bairo caãcũ niñami. Bairo cųrê cateei ãnirĩ, Dios, Jesús pacų cųãrê caboecųre bairo tuayami.

23 Ni jĩcãũ ũcũ Jesure caĩñatei cũ caãmata, Jesús pacų Dios cųãrê caĩñatei, cũ mena macããcũ mee niñami. Apei, “Cũã niñami Jesús marĩrê canetõrĩcũ,” cariape Jesure caĩbųsųnucũ pųame roque, cũ pacų Dios yau, jĩcãrõrê bairo caãcũ niñami.

24 Torena, mąjãã pųame tirũmųpų caroa queti Dios yaye mąjãã catũgojũgoriquere jãnaeticõãña. Mąjãã yeripų tiere tũgoñacõã ninucũña. Bairo Dios yaye queti mąjãã catũgojũgorique mąjãã yeripų caãnicõãninucũata, Dios, bairi cũ macũ Jesucristo mena jĩcãrõrê bairo caãna mąjãã ãnigarã.

25 Bairi, “Jesucristo, cũ caĩcũrĩcãrõrêã bairo cariape marĩ jogųmi yeri capetietie majũrê,” marĩ ĩ masĩña yua.

26 Aperã roro mąjããrê caĩtogari majã na caatĩparo jũgoye mąjãã quetibąjư woajou yu átiya, narê mąjãã caĩtoecoetiparore bairo ĩ.

27 Bairãpųa, mąjãã Jesucristo cũ cajoricų Espĩritu Santo Dios Yeri majũrê mąjãã cųgoya mąjãã yeripų. Espĩritu Santo pųame mąjãã cũ

camasĩõrõ jũgori nipetiro caroa wãme macããjẽ jetore mũjãã átiãnimasĩnucũña. Espĩritu Santo cũ cabuerije cariape macããjẽ niña. Caĩtopairã na caquetibũjũnucũrĩjẽrẽ bairo mee niña. Bairi Espĩritu Santo mũjããrẽ cũ camasĩõrõ jũgori aperã mũjãã na cabuepeere mũjãã macãẽtĩña. Torena, mũjãã pũame Jesucristo mena macããna ãnirĩ Espĩritu Santo mũjãã cũ caĩquetibũjũricarore bairo jeto caroa macããjẽrẽ áticõã ninucũña.

<sup>28</sup> Tunu bairoa yũ pũnaarẽ bairo caãna, Jesucristo mena jĩcãũ pũnaarẽ bairo ãnicõãña. Bairo marĩ caãmata, Jesucristo ati yeparyũ nemo cũ caetarore tũgoñatutuarique mena, tũgoñaboboricaro mano cũ marĩ cotegarã.

<sup>29</sup> Merẽ atore bairo mũjãã masĩña: “Jesucristo caroaro cariape caácũ cañũũ majũ niñami. Tunu bairo nipetiro camasã caroa macããjẽ cañurĩjẽrẽ caána, Dios yarã cũ pũnaarẽ bairo caãna niñama,” mũjãã ĩ masĩña.

### 3

#### *Hijos de Dios*

<sup>1</sup> Nocãrõ majũ marĩ cũ maiñati marĩ Pacũ Dios. Bairo marĩrẽ camai ãnirĩ, “Yũ pũnaa,” marĩ ĩnucũñami. Bairi cũ pũnaa majũ marĩ ãniña. Aperã ati mũmrecóo macããna camasã Dios pũnaa marĩ caãnierẽ masĩẽtĩñama, Dios, marĩ Pacũ cũãrẽ camasĩẽna ãnirĩ.

<sup>2</sup> Yũ yarã, yũ bairãrẽ bairo caãna yũ camairã merẽ Dios yarã cũ pũnaa majũ marĩ ãniña yua. Bairo ãnimirãcũã, cabero marĩ cabaipee nipetirijere marĩ masĩpeyoetiya mai. Bairãrũa, atore bairo marĩ masĩña: Jesucristo ati yeparyũ nemo cũ



cabauetaro caãno, cã yarã cãrẽ bairo caãna majũ marĩ ãnigarã. Bairi Jesús ati yeparũ cã caetaro, cã marĩ ãnamajũcõãgarã, caãnimajũrẽ bairo cã caãno yua.

<sup>3</sup> Nipetiro atie cabaípee mena catũgoñatutuacotei pũame roque cã majũã cã carorije wapare coseire bairo átiyami. Jesucristo ñe ãnie camãcã cañũ cã caãnorẽã bairo, cã cãã ñe ãnie wapa mãcã caroú tuayami yua.

<sup>4</sup> Nipetiro carori wãmerẽ caána Dios cã carotirijere cabaibotiorã niñama. Bairi carori wãme jetore átiãninucũñama.

<sup>5</sup> Merẽ caroaro mũjãã masĩña atiere: Marĩ carorije wapare netõõã acú asúpi Jesucristo ati yeparũre. Jesucristo pũame ñe ãnie carorijere caápei majũ niñami.

<sup>6</sup> Bairi ni jĩcãũ ãcũ Jesucristo mena jĩcãrõrẽ bairo caãcũ cã yaye quetire cariape catũgocõãninucũũ pũame carorijere áperiyami. Aperã carorijere caáticõãninucũrã pũame roque Jesucristore camasĩña majũ niñama.

<sup>7</sup> Yũ pũnaarẽ bairo caãna ni jĩcãũ ãcũ mũjããrẽ quĩtoeticõãto. Ni jĩcãũ ãcũ caroaro cariape macããjẽ jetore caátĩãnimasĩ cã caãmata, cañũ caroú niñami Dios cã cañãjoro. Marĩ Quetiupau Jesús cariape caácu cañũ cã caãnorẽã bairo cã cãã cariape caácu cañũ niñami.

<sup>8</sup> Carori wãme jetore bairoa caáticõãninucũũ pũame roque wãtĩ yaũ cã carotirijere caácu majũ niñami. Wãtĩ roque ati mũmrecóo caãnijũgoripaũpũina carorijere caátijũgoricu majũ niñami. Baiũa, merẽ asúpi Dios macã Jesucristo ati yeparũre, wãtĩ roro cã caátiere yasiorei acá.

<sup>9</sup> Jĩcãũ Dios yaye quetire catũgoũsaũ, cũ macũrẽ bairo caãcũ ɾuame cawãma yerĩ pũna Dios cũ cajoriquere cũgoyami. Bairo cacũgoũ añirĩ carori wãmerẽ átĩãmerĩnucũñami. Bairo Dios macũ añirĩ carorije macããjẽrẽ átigaetiyami.

<sup>10</sup> Bairi yua, atore bairo marĩ ĩ tũgoñamasĩña: “Nipetiro carorije macããjẽrẽ caáti majã wãtĩ cũ carotirijere caána cũ pũnaarẽ bairo caána niñama. Aperã caroa macããjẽrẽ caána ɾuame roque Dios yarã cũ caĩñabesericarã, cũ pũnaa majũ niñama,” marĩ ĩ tũgoñamasĩña. Bairi ni jĩcãũ ũcũ caroa macããjẽrẽ caápei cũ yaure bairo caãcũrẽ camaiecũ Dios yaũ mee niñami.

### *Amémonos unos a otros*

<sup>11</sup> Atore bairo Jesús yaye quetire mũjãã tũgojũgoyupa caáni jũgoripaũɾua: “Tocãnacãũɾua ãmeo maiña. ãmeo juátinemoña Dios cũ caborore bairo mũjãã majũ,” mũjããrẽ ĩ quetibũjuyupa.

<sup>12</sup> Apei Caín ãnacũrẽ bairo marĩ baieticõãrõã marĩã. Cũ, Caín ãnacũ ɾuame cañuecũ wãtĩ yaũ majũ ãniñañupĩ. Cũ bai Abel cawãmecũcũre cũ ɾajĩãrocacõãñañupĩ. Bairi apei jĩcãũ atore bairo ĩ jẽniñabujiõmi: “¿Dopẽĩ cũ bai Abere cũ ɾajĩãñuparĩ?” Atore bairo baiyupa: Caín cũ caátaje carorije ãñupã. Cũ bai cũ caátaje ɾuame caroa macããjẽ ãñupã. Bairi cũ ɾajĩãrocacõãñañupĩ Caín Abere.

<sup>13</sup> Yũ yarã, yũ bairãrẽ bairo caána, tũgoñamani ápericõãña ati mũũrecóo macããna Diore camasĩena mũjããrẽ na caĩñaterijere.

<sup>14</sup> Marĩ roque yasiricaropũ caãnibujioricarã nimirãcũã, tunu cacatirã majũ cañarẽ bairo marĩ ãniña. Tore bairo marĩ masĩña tocãnacãũɾurea

marĩ yarãrẽ marĩ caãmeomairĩjẽ jũgori. Cũ yarãrẽ camaimasĩẽcũ pũame cayasiricũre bairo caãcũ riaricaropũ caárpãre bairo niñami.

<sup>15</sup> Тосãnacãũpũna na yarã camasãrẽ cateeri majã pũame pajĩarĩ majã wapanarẽ bairo caãna niñama. Na ùna pajĩarĩ majã yeri capetietiere na majũã cũgomasĩẽtĩñama. Merẽ tiere caroaro mũjãã masĩña.

<sup>16</sup> Jesucristo marĩrẽ camainetõũ ãnirĩ yucũpãĩpũ riayupi. Tie jũgori cariape merẽ marĩ masĩña ãmeo mairĩqũẽ majũ macããjẽrẽ. Bairi Jesucristo marĩrẽ cũ caĩñamairĩcãrõrẽ bairo marĩ cũã marĩ yarã camasãrẽ ãmeo mairotiya.

<sup>17</sup> Capee cacũgori majõcũ, ñe ùnie carũsaecũ pũame cũ yaũ cabopacaũre ññamicũã, cũrẽ cajũátinemoecũ, cũ yaũre camaiecũ tuacõãñami. Dios cũ cajorije ãmeo mairĩqũẽrẽ cũgoetiyami cũ yeri cũ catũgoñarĩjẽpũre.

<sup>18</sup> Yũ pũnaarẽ bairo caãna, marĩ caãmeomairĩjẽ marĩ risero marĩ caĩbũsũrije jeto mee to ãmarõ. “Mũjããrẽ jãã jũátigarã,” marĩ cañata, marĩ caĩbũsũrorea bairo marĩ caátiyaparoro ñuñña. Cariapea marĩ caĩbũsũrorea bairo marĩ caátie to caãno ñuñña.

### *Confianza delante de Dios*

<sup>19</sup> Tore bairo marĩ caátiamata, “Dios yarã cariape macããjẽrẽ caãna majũ marĩ ãnigarã,” marĩ ñ masĩña. Bairi yua, pũganĩ cãrõ tũgoñarĩcãrõ mano Dios marĩrẽ cũ canetõõpeere marĩ tũgoñaña, Dios cũ caĩñajoro.

<sup>20</sup> Tunu apeyera marĩ yeri marĩ catũgoñarĩjẽpũ, “Yua, yũ caboro yũ baiya,” marĩ yeri caĩbũsũjãrõ jũgori capee wãme marĩ catũgoñaata, Dios tiere

masĩ peyocõãñami. Dios p̄ame nocãrõ camasĩ ãnirĩ netõjãñurõ masĩñami nipetiri wãme marĩ yeri catũgoñarĩjẽrẽ.

<sup>21</sup> Ȳu yarã, ȳu bairãrẽ bairo caãna ȳu camairã carorije macããjẽrẽ caáperã marĩ caãno bero caãmata, “Cabui mána marĩ ãniña,” tũgoñatutuarique mena marĩ yerip̄u marĩ ĩ masĩña Dios cũ caĩñajoro.

<sup>22</sup> Marĩ p̄ame cũ caroticũrĩqũẽrẽ marĩ tũgousaya. Tunu bairoa caroa macããjẽ Dios cũ caĩñajesorije jetore marĩ átinucũña. Bairi Dios p̄ame nipetiri wãme cũrẽ marĩ cajẽnirĩ wãmerẽ marĩ joḡm̄i.

<sup>23</sup> Mai, Dios cũ caroticũrĩqũẽ p̄ame atore bairo ñña: “Dios macũ Jesucristore cũ tũgousaya. Tunu Jesucristo m̄ujããrẽ cũ camairotiricarore bairo m̄ujãã cũã m̄ujãã majũ ãmeo maiña,” ĩ quetibuj̄uya tie cũ caroticũrĩqũẽ.

<sup>24</sup> Dios tore bairo cũ caátirocticũrĩqũẽrẽ caãna Dios yarã niñama. Dios cũã na mena nicõãñami na yerip̄u. Bairo cũ caãnoi, “Dios marĩ yerip̄u niñami,” marĩ ĩ masĩña, cũ Yeri Espíritu Santo marĩ cũ cajoric̄u marĩ yerip̄u cũ caãno jũgori.

## 4

### *El Espíritu de Dios y el espíritu del enemigo de Cristo*

<sup>1</sup> Ȳu yarã, ȳu bairãrẽ bairo caãna, ȳu camairã, cariape tũgoeticõãña aperã, “Dios yarã jãã ãniña,” ĩmirãcũã ricaati na caquetibuj̄yata. Espíritu Santo na yerip̄u na cacũgoeticõãta, na tũgousaeticõãña. “¿Cariape na quetibuj̄yati?” ĩrã, na caĩrĩjẽrẽ caroaro tũgobeseya. Ati um̄urecóore capããrã niñama caĩtopairã. “Dios yaye quetire jãã cũã

jãã quetibujuya,” ïmirãcũã, wãtĩ yaye macããjẽ ruamerẽ quetibujurã átiyama.

<sup>2</sup> Bairo na caĩquetibujurijere caroaro mujãã catãgobesemasĩata, cariapea, “Ãnoa Dios yaye meerẽ quetibujuyama,” mujãã ï masĩgarã. Bairi jĩcãũ ũcũ, “Cariapea Jesucristo marĩrẽã bairo ati rupaꝑ cacũgoꝑ ati yepapꝑ etayupi,” caĩquetibujumasĩ roque Espĩritu Santo Dios Yeri majũrẽ cacũgoꝑ niñami.

<sup>3</sup> Tore bairo caĩquetibujumasĩcũ ruame Espĩritu Santo Dios Yeri majũrẽ cacũgoecũ niñami. Wãtĩ, Jesucristore cateeri majõcũ yeri majũrẽ cacũgoꝑ niñami. Merẽ tirũmupũ mujãã tũgoypa Jesucristore cateerã ricaati yeri catũgoñarã na caetapeere. Bairi merẽ etamajũcõãñama ati yepapꝑre wãtĩ yarã caĩtopairi majã.

<sup>4</sup> Yu pũnaarẽ bairo caãna, mujãã roque Dios yarã mujãã ãniña. Caĩtopairã na caquetibujurijere mujãã tũgoꝑsaetiya. Na netõrõ cayeritutuarã mujãã ãniña. Mujãã roque, caĩtopairã ati umurecõo macããna na yeripũ na cacũgoꝑ netõjãñurõ catutuaꝑ Espĩritu Santo majũrẽ cacũgorã mujãã ãniña.

<sup>5</sup> Na ruame ati umurecõo macããna niñama. Bairo caãna ãnirĩ ati umurecõo macããjẽrẽ quetibujunucũñama. Na caĩrĩjẽrẽ caroaro tũgoꝑsanucũñama camasã aperã ati umurecõo macããna ũna, Dios yarã caãmerã ãnirĩ.

<sup>6</sup> Marĩ roque Dios yarã, cũtu macããna marĩ ãniña. Bairi Diore camasĩ ruame marĩ caquetibujurijere caroaro tũgoꝑsanucũñami. Apei Diore camasĩcũ ruame marĩ caquetibujurijere tũgoꝑsagaetiya. Tore bairo na cabairijere ñnarã, atore bairo marĩ

ĩ masĩña: “Ãnoa caroa yeri cõtaje Dios cũ cajorije cariape macããjẽrẽ quetibũjũyama. Ãnoa aperã pũame, caĩtopairã wãtĩ yeri pũna cacũgorã niñama,” marĩ ĩ tũgoña besemasĩña.

### *Dios es amor*

<sup>7</sup> Yũ yarã, yũ bairãrẽ bairo caãna yũ camairã ãmeo mairĩqũẽ cañurĩjẽ Dios cũ cajorije niña. Bairi tocãnacãũpũa nipetiro caãmeomaiparã marĩ ãniña marĩ yarãrẽ. Nipetiro caãmeomaimasĩrĩ majã Diore camasĩrã cũ pũnaarẽ bairo caãna niñama.

<sup>8</sup> Dios, maimasĩrĩqũẽrẽ cajomasĩ cũ caãno jũgori marĩ caãmeomaimasĩrĩjẽ baimasĩña. Bairi ni ũcũ cũ yaure camaimasĩẽcũ pũame Diore camasĩẽcũ niñami.

<sup>9</sup> Merẽ marĩ masĩña Dios marĩrẽ cũ camairĩjẽrẽ. Tiere marĩ masĩõ joroque ĩ, ati yeparũ cũ joyupi, cũ macũ jĩcãũã caãcũrẽ. Cũ jũgori marĩ nipetiro Dios yarã yeri capetietiere marĩ cacũgoparore bairo ĩ, ati yeparũ cũ joyupi.

<sup>10</sup> Tũgoya mai. Cariape mairĩqũẽ caãnimajũrĩjẽ ati wãmerẽ bairo niña: Marĩ pũame Diore cũ marĩ camajũgoro mee, cũ pũame jĩcã nũgõã marĩ mairĩ, cũ macũ jĩcãũã caãcũrẽ cũ joyupi ati yeparũ. Bairo ati yeparũre etari bero yua, roro popiye tãmũorĩ yucũpãĩpũ cũ cariarique jũgori carorije wapa cacũgoenarẽ bairo marĩ tuao joroque marĩ ásupi.

<sup>11</sup> Yũ yarã, yũ bairãrẽ bairo caãna, yũ camairã, tore bairo marĩrẽ Dios cũ camairĩqũẽ to caãmata, marĩ cũã marĩ yarãrẽ caãmeomaiparã marĩ ãniña. Marĩ yarãrẽ ãmeo juátinemorotiya.

12 Ni jĩcãũ ùcũ Diore ãñañaecũmi. Bairo marĩ camasã, Diore caĩñaena nimirãcũã, nipetiro marĩ yarãrẽ marĩ caãmeomaiata, Dios marĩ yeripũ nicõãñami. Bairo marĩ mena cũ caãnoi, caroaro netõjãñurõ marĩ ãmeo maimasĩgarã.

13 Dios, Espĩritu Santo marĩ cũ cajoricũ marĩ yeripũ cũ caãno jũgori, “Marĩ mena niñami Dios. Marĩã cũ yarã marĩ ãniña,” marĩ ã tũgoñamasĩcõãña.

14 Jãã majũpũã jãã ãñawũ Jesure ati yepapũ cũ caãno. Bairo jãã pũame cũrẽ caĩñarĩcãrã ãnirĩ caãnorẽ bairo cariape majũ atore bairo jãã ã quetibũjũ masĩña: “Cũ macũ Jesure cũ joyupi cũ pacũ Dios, ati yepa macããna na carorije wapare na netõõgũ,” jãã ã quetibũjũ masĩña.

15 Bairi ni jĩcãũ ùcũ Jesús Dios macũ cũ caãnierẽ caãnorẽ bairo cariape cũ catũgoñamasĩcõãta, Dios mena jĩcãrõrẽ bairo caãcũ niñami. Dios pũame cũã cũ mena nicõãñami.

16 Tore bairo cabaiãno jũgori, merẽ yua, marĩ masĩña cariapea Dios marĩrẽ cũ camaiãninucũrĩjẽrẽ. Dios pũame ãmeo mairĩqũẽ macããcũ niñami. Bairi ni ùcũ cũ yarãrẽ camaimasĩ, Dios yaũ majũ niñami. Dios cũã cũ mena nicõãñami.

17 Tore bairo marĩ caãmeoãto jũgori ãmeo mairĩqũẽrẽ nemojãñurõ marĩ masĩõgũmi Dios. Bairo marĩrẽ cũ camasĩõrõ yua, marĩ pũame tũgoña uwiricaro mano, tũgoñatutuarique mena camasãrẽ cũ caĩñabeseri rũmurẽ marĩ cotegarã. Marĩ pũame ati yepapũre ãna, Jesucristo marĩ Quetiupũ cũ caãnatõrẽ bairo majũã marĩ ãniña marĩ cũã.

18 Ni jĩcãũ ùcũ Jesucristo cũ camairĩcãrõrẽ bairo caroaro cariape jĩcãrõ tãni cũ yarãrẽ cũ

camaimasĩata, ñe ũnierẽ uwimasĩetĩñami. Bairi marĩ caãmeo maimasĩrĩjẽ Dios cũ cajorije caãnoi, ñe ũnierẽ marĩ uwietiya, Dios cũ caĩñabesepa rũmũ caetaro cũãrẽ. Ni jĩcãũ ũcũ cũ catũgoña uwiata, ãmeo maimasĩrĩqũẽ nipetirijere jĩcãrõ tãni cũgopetietiyami mai. Bairi uwitũgoñaumi.

<sup>19</sup> Dios pũame merẽ marĩrẽ cajũgoyerũa marĩ majũgoyupi. Bairi marĩ cũã Diore cũ marĩ maiña.

<sup>20</sup> Ni jĩcãũ ũcũ, “Yũ roque Diore camai majũ yũ ãniña,” ĩmicũã, cũ yaure cũ caĩñatecõãmata, caĩtopai majũ niñami. Bairi marĩ yaũ marĩ caĩñanucũrẽ marĩ camaieticõãta, nemojãñurõ marĩ maimasĩetĩbujiorã Dios marĩ caĩñaetinucũũ roquere.

<sup>21</sup> Jesucristo atore bairo marĩ átiroticũwĩ: “Ni jĩcãũ ũcũ Diore camai, cũ yaure bairo caãcũ cũãrẽ cũ cũ maiáto,” ĩ cũwĩ.

## 5

### *Nuestra victoria sobre el mundo*

<sup>1</sup> Bairi nipetiro Jesucristo mena tũgoñatutuari, “Jesucristo Mesías Dios cũ cajou majũ niñami,” caĩrã Dios yarã cũ pũnaarẽ bairo caãna majũ niñama. Bairi ni jĩcãũ ũcũ aperã pacure cũ camaiata, cũ pũnaa cũãrẽ na maimasĩñami. Torea bairo marĩ Pacu Diore marĩ camaiata, cũ yarã cũ pũnaarẽ bairo caãna cũãrẽ na marĩ maimasĩña.

<sup>2</sup> Diore camairã ãnirĩ marĩrẽ cũ caátirotireore bairo jeto marĩ caápata, cũ pũnaa cũãrẽ na marĩ camairĩjẽrẽ marĩ masĩcõãña.

<sup>3</sup> Caroaro Diore marĩ camairĩjẽ pũame Dios marĩ cũ caátiroticũrĩqũẽrẽ marĩ caátipeyomasĩrĩjẽ niña.



Bairopna Dios cũ caátirocticũrĩqũẽ popiye netõrõ átaje mee niña.

<sup>4</sup> Bairi tocãnacãũpna Dios yarã, cũ pũnaarẽ bairo caãna pnaame atĩ ɯmɯrecóo macããna roro na caátĩãnierẽ ññajeeinetõ nɯcãcõãñama. Bairi yua, Dios mena marĩ catũgoñatutuario jũgori atĩ ɯmɯrecóo macããna caĩtopairã, apeye atĩ ɯmɯrecóo macããjẽ carorije cũãrẽ, nipetirore marĩ tũgoetinetõnɯcãcõãña.

<sup>5</sup> Bairi apei, “Jesús, Dios macũ majũã niñami,” caãnorẽ bairo cariape caĩtũgoɯsaɯ pnaame atĩ ɯmɯrecóo macããna roro na caátĩãnierẽ ññajeeinetõ nɯcãcõãñami.

### *El testimonio acerca del hijo de Dios*

<sup>6</sup> Atie jũgori Jesucristo Dios macũrẽ bairo atie yerapɯ caatáɯ cũ caãnierẽ marĩ masĩña: Juan oco mena cũrẽ cũ cabautizaro cabairique, bairi yucɯpãĩpɯ riaɯ cũ caĩrĩqũẽ mena jũgori marĩ masĩña Dios macũ cũ caãnierẽ. Bairopna, oco jeto mee niña. Oco, cũ rií mena jũgori marĩ masĩña. Espíritu Santo cũã torea bairo marĩ masĩõñami. Cũ pnaame caĩtoeɯ cariape majũ caquetibɯjɯmasĩ niñami.

<sup>7</sup> Bairi tie itia wãme majũ marĩ masĩõña Jesucristo, Dios macũ cũ caãnierẽ:

<sup>8</sup> Espíritu Santo, bairi oco mena cũ cabautizarique, bairi apeye yucɯpãĩpɯ cũ cariarique mena cũãrẽ torea bairo marĩ masĩña Jesús Dios macũ cũ caãnierẽ. Tie itia wãmepna cariape jĩcãrõ tãni jĩcãrõrẽã bairo marĩ quetibɯjɯ masĩõña Jesús, Dios macũ cũ caãnierẽ.

<sup>9</sup> Bairãpna, camasã na caĩquetibɯjɯrijere marĩ catũgoɯsaro ñuña. Dios cũ caquetibɯjɯrije pnaame

cũ macũ Jesús yaye quetire quetibujarique niña. Cañurĩjẽ majũ niña. Bairi tie roquere netõjãñurõ tũgõsarotiya marĩ Pacu Dios cũ caquetibujarije caãnimajũrĩjẽ caãnoi.

<sup>10</sup> Bairi ni jĩcãũ ãcũ Dios macũ Jesucristore cariape catũgõsaru cũ yaye quetire cũ majũã quetibujũ masĩñami cũ yeripũ. Diore cariape catũgoecu pũame caĩtopairi majõcure bairo tuayami, cũ macũ Jesús yaye quetibujarique quetire cariape cũ catũgõgaeto jũgori.

<sup>11</sup> Tunu bairoa, atore bairo marĩ camasĩrõrẽ boyami Dios: Yeri capetietie marĩ cacũgõpeere marĩ camasĩrõrẽ boyami. Cũ macũ jũgori tie cũ cajõpeere marĩ camasĩrõ boyami.

<sup>12</sup> Bairi ni jĩcãũ ãcũ Jesucristo Dios macũ yau majũ cũ caãmata, merẽ yeri capetietiere cacũgõu tuayami. Apei, Dios macũ Jesucristo yau mee caãcũ pũame roque, yeri capetietiere cacũgõecu majũ tuayami.

### *Conclusión y consejos finales*

<sup>13</sup> Mũjãã, Dios macũ Jesucristore catũgõsari majãrẽ yu quetibujũ woatujõya, merẽ yeri capetietie mũjãã cacũgorijere mũjãã camasĩparore bairo ã.

<sup>14</sup> Dios marĩrẽ cũ caátipeere caroaro cariapea marĩ tũgõña tutuacõãniña. Cũ jetore cariape cũ marĩ tũgõmasĩña. Bairi, “Dios cañuũ ãnirĩ cũ caborore bairo cãrẽ marĩ cajẽniata, marĩ tũgõgũmi,” marĩ ã masĩña.

<sup>15</sup> Tore bairo Diore marĩ cajẽnirõ cũ catũgorijere camasĩrã ãnirĩ, “Merẽ marĩ cajẽnirĩjẽrẽ jogũmi Dios cũ caborore bairo,” marĩ ã tũgõñamasĩcõãña.

16 Mɯjãã yaɯ ũcũ jĩcãũ carori wãme cayasiráná na caátí wãme ũnie meerẽ cũ caápata, Diopɯre cũ jẽnibojaya. Bairo Diore mɯjãã cajẽnibojaro, Dios pɯame mɯjãã yaɯre cũ yeri tũgoñawasoao joroque cũ átigumi, carori wãme cayasiráná na caátí wãme ũnie meerẽ cũ caápata. Bairopɯa, apeye carorije cayasirápárã majũ marĩ ãnio joroque caátie niña. Tie ũnierẽ caácɯ cũ caãmata roquere, “Diopɯre cũ jẽnibojaya,” mɯjããrẽ ñi masĩetĩña.

17 Bairopɯa, nipetiro carori wãme marĩ caátie, cañuetie niña. Cabaimiatacũãrẽ, marĩ yasio joroque caátimajũcõãrĩjẽ jĩcã wãmea niña.

18 Merẽ atore bairo marĩ masĩña: Dios yaɯ pɯame, Diore, cũ pacɯre bairo cacũgoɯ ãnirĩ carorijere áperiyami. Cũ macũ Jesucristo pɯame cũ juátinemoñami. Bairi wãtĩ cũã jĩcãni ũno roro cũ baio joroque cũ áperiyami Dios yaɯre.

19 Bairi tunu merẽ marĩ masĩña Dios yarã marĩ caãnierẽ. Tunu bairoa marĩ masĩña ati ɯmɯrecóo macããna nipetiro camasã wãtĩ cũ camasĩrĩjẽ mena cũ carotirã na caãnierẽ.

20 Apeye cũãrẽ atore bairo marĩ masĩña: Ati yerapɯre asúpi Jesús, Dios macũ majũ. Cũ pacɯ Dios cariape caãcũrẽ marĩ camasĩpee tũgoñarĩqũẽ cũãrẽ marĩ joyupi. Bairi Diore cariapea cũ marĩ masĩña. Jesucristo cariape caácɯ mena jĩcãrõrẽ bairo caãna marĩ ãniña. Cũã niñami Dios caãnimajũũ, marĩrẽ yeri capetietiere cajõɯ majũ.

21 Bairi yɯ yarã, yɯ pũnaarẽ bairo caãna, tũgoña masĩña. Maijũgoya mɯjãã yerire. Aperã camasã na caĩroarã na jũgũẽã ũna yaye ricaati quetibɯjɯriquere mɯjãã tũgoɯsare.

Tocãrõã niña atie queti yɯ cawoajorije.

## **Dios Cũ Cauetibũju Cũrĩcã Tuti** **New Testament in Carapana (CO:cbc:Carapana)**

copyright © 2012 Wycliffe Bible Translators, Inc.

Language: Carapana

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Carapana

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
69a83a35-f961-5e00-b9bd-ee04b851efbd